



DEO OPTIMO MAX.  
UNI ET TRINO.

VIRGINI DEI-PARÆ, ET S. LUCÆ  
Orthodoxorum Medicorum Patrono.

QUÆSTIO MEDICO-CHIRURGICA, \*  
QUOD LIBETARIIS DISPUTATIONIBUS  
*manè discutienda in Scholis Medicorum, die Jovis, vigesimâ-primâ mensis  
Martii, anno Domini M. DCC. LIV.*

M. EDMUNDO-THOMA MOREAU;  
Doctore Medico, Præside.

*An Sclopetorum Vulnere venenata?*

I.



AUSARUM externarum corpus nostrum affi-  
cientium aliæ necessariae, quales sunt res non  
naturales omnes ἀνάσποναι; aliæ non necessariae,  
ut casus, ictus & fortuita omnia, quarum impe-  
tus cæci, licet nec arte prævideri nec declinari  
possint, medicam tamen opem chirurgique ἐνχείριον exposcunt.

\* M. QUIRINI LE VIGNON, Anno 1626.

A

Ab his etsi absentibus causis ut & præsentibus indicationes desumendo, futura prædicendo, citò tutò & jucundè *συνθεῖν*, *διασκεῖν* & *ἐξαίρειν* ( quibus univèrsa Chirurgia , ut Medicina *ποιοῦσιν* & *ἀφαιροῦσιν* , comprehenditur ) absolvit. Sic in vulnèrum sclopetis infligatorum curatione , à solutione continui & contusione insigni rerum agendarum insinuationes deprimendo , opratum finem consequetur.

## I I.

**E**NIMVERO vulnèrum , promptè , difficulter aut nullatenùs sanabilium cognitio Medico , magis quàm Chirurgò , utrique tamen necessaria est ; ne videantur occidisse quem fors ipsa peremit , aut ejus curam suscepisse qui servari non poterat. Parva magnis , rotundis recta , discissa collisis , ære quàm ferro incisa *ευχετέρεα* sunt. Parva ne contemnito , quæ Cordi illata , mortem haud dubiam ; Diaphragmati , phrenitidem , sardonium risum ( hîc ut assumpto multo croco *παύειν τὸν πόρον* ) ; cerebro , bilis vomitum , desipientiam , *ἀφάνειαν* , apoplexiam , ab omni humore , à sanguine mitiorem , & *ἐκπλύνειν* ; jugularibus aut magnis venis , profusione sanguinis hominem exhauriendo , desipientiam , singultum , convulsionem , ab hypercatharsi calamitosam , invèhunt. Capitis *τρώματα* , in synipite aut temporibus accepta , quàm in occipite vertice aut ponè aures graviora.

## I I I.

**A**T à virulentis inflicta bestiis , aut armis veneno infectis *κακοῖσιν* sunt , quæ nimis intumescere periculosum : nihil , pericolosissimum. Vulneratæ parti impactum intròque subiens venenum , cucurbitulis , scarificatu , fuctu , ustione revellendum ; atque tum venæ sectione , catharsi , hidroticis , repellentibus & epuloticis consultò abstinendum. Internis impressa partibus maligna *διαθεσις* alexipharmacis corrigenda , quæ frustra à consimili expectas veneno , cujus vis certo tempore non interimens , consuetudine sæpè perit. Id aliàs intus progignitur , aliàs imprudentiùs intrò assumitur ex metallorum , stirpium & animantium genere. Cave ne sulphur , nitrum , carbones salicis aut juglandis venena exi-

stimes ; singula innoxie assumenda & admovenda. Confectus ex his pyrius pulvis potus & admotus vulneratis interdum præsentis fuit auxilio. Numquid ferarum & avium sclopo occisarum carnes ( secus sagittis thorâ, limeo aut ζενικῶ tinctis ) inter elegantiores epulas reponuntur ?

## I V.

CÆTERUM quæ πνεύματων vulneribus superveniunt omnia, erosio, dolor, ἐκχύμωσις, syncope, νάρκησις, febris, gangræna, sphacelus non veneno, multo minus adustioni adscribenda sunt : quinimò ad collisionem, fracturam, contusionem ve referenda, à violento missilium ex ære, plumbo aut ferro globulorum impetu, igniti pulveris intra tormenti fauces multiplicati operâ, cujus imperio vel id quo conclusus est necessario disrumpitur, vel quod debilius resistit, cedat omnino oportet. Similis penè ab illato cornu cervi vulnere clades oboritur, licet ut, cornu unicornis, mirifice venenis obsistat. Utrobique si Austrina putredinis parens, aut Aquilonia ulceribus, ut pectori, inimica tempestas accidat, inde malorum fœtura multiplex atque anceps curatio, quam præter hæc efficiunt ætas, corporis constitutio, ἐπιτήδευμα & affectarum partium natura.

## V.

CUKATIONIS autem momenta sunt ; victus frigidus humidus, sed tenuis, acutis omnibus non semper cum febre, præterquàm peripneumonix commodus. Decoctum hordei potus esto, vinum minimè. Optimum medicamentum quies & animi tranquillitas. Venæ sectio cum expedit ad lipothymiam imperanda, ut in febribus ardentibus, pestilentibus non item. Catharsis, cacoehymix mediocri debita, ut consummata ἐπίπρασσις. Oxycratum, potiones vulnerariæ ex symphyto, plantagine, rubiâ, herbâ Roberti, pentaphyllo, &c. paratæ, vomitione redditæ nil sinistri portendentes. Extraneorum corporum amotio ( non magicis artibus ut Nicodemi, Gilberti & Theodorici pigmentis aut unguento magnetico tentanda ) abscessus metu. Luxatorum aut fractorum ossium reductio, initio vitanda. Suppuratio,

3

triapharmaco & setone procuranda. Exquisita deterfio, cere-  
binthinâ & melle rosato. Carnis generatio & cicatricis in-  
ductio, naturæ non artis opera. Toto morbi decursu symp-  
tomatum correctio. Alexipharmaca nulla.

*Ergo Sclopetorum Vulnere non sunt venenata.*

DOMINI DOCTORES DISPUTATURI.

|   |  |   |
|---|--|---|
| <i>M. Bernardus-Nicolaus Ber-<br/>trand, Scholarum Pro-<br/>fessor.</i> | <i>M. Jacobus-Laurentius Mau-<br/>roy.</i>   | <i>M. Claudius-Carolus Dei-<br/>jean.</i>   |
| <i>M. Stephanus - Ludovicus<br/>Geoffroy.</i>                           | <i>M. Natalis-Andreas-Joan-<br/>nes-Baptista Chesneau.</i>                                 | <i>M. Franciscus-Felicinus Co-<br/>chu.</i> |
| <i>M. Dionysius Pautier de La-<br/>brenville.</i>                       | <i>M. Joannes-Franciscus Paris,<br/>Bibliotheca Facultatis Pra-<br/>fectus designatus.</i> | <i>M. Joannes de Dieff.</i>                 |

Proponerebat Parisiis JOANNES-LUDOVICUS-MARIA SOLIER;  
Aurelius, Doctor Medicus Remensis, Saluberrimæ Facultatis in  
Universitate Parisiensi Baccalaureus, A. R. S. H. 1754.  
A SEXTA AD MERIDIEM.